



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XV

BROJ: 251

DATUM: 28.12.2018.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Gregor Jurišić, viši suradnik za finansijska pitanja
fax: + 387 33 552 810
gregor.jurisc@sogfbih.ba

Sadržaj biltena:

Savez uputio Sarajevskom kantonu zahtjev za obustavu primjene nepovoljnih zakonskih rješenja o komunalnim taksama

1

Održan sastanak o unapređenju komunikacije između JLS i OCD

2

Održan 4. sastanak Komisije za realizaciju projekta statusi mjesnih zajednica u zakonodavstvu BiH -nivo FBiH

2

Uspješno realiziran projekat „Nove strategije zapošljavanja na lokalnom nivou“

3

Vlada FBiH izdvojila milion i po KM za izgradnju poduzetničkih zona

3

Najava obilježavanja dana općina / gradova za mjesec februar / veljača

4

Bilten Saveza općina i gradova Federacije Bosne i Hercegovine

SRETNU I USPJEŠNU 2019. GODINU ŽELI VAM SAVEZ OPĆINA I GRADOVA
FEDERACIJE BOSNE I HERCEGOVINE



SAVEZ UPUTIO SARAJEVSKOM KANTONU ZAHTJEV ZA OBUSTAVU PRIMJENE NEPOVOLJNIH ZAKONSKIH RJEŠENJA O KOMUNALNIM TAKSAMA

U prostorijama Općine Stari Grad Sarajevo upriličen je 03. decembra/prosinca 2018. godine sastanak povodom stupanja na snagu Zakona o izmjenama i dopuni Zakona o komunalnim taksama u Kantonu Sarajevu, kojim je Skupština Kantona smanjila visine tarifa općinskih komunalnih такси za pojedine djelatnosti, što će prouzrokovati negativne finansijske efekte na budžete općina u Kantonu Sarajevu.

U postupku pripreme i donošenju pomenutog Zakona, jedinice lokalne samouprave u Kantonu Sarajevo i Savez općina i gradova Federacije Bosne i Hercegovine kao zakonski zastupnik općina i gradova, nisu konsultovani oko izmjene visine tarifa komunalnih такси, i ako je postojala zakonska obaveza zakonodavca da traži mišljenje Saveza i općina u KS, jer smanjenje visina tarifa ima izravne finansijske posljedice na općinske budžete u vidu smanjenja općinskih prihoda od komunalnih такси.

Na sastanku je zaključeno da će Savez i predstavnici općina u Kantonu Sarajevo uputiti zajednički zahtjev za obustavom primjene spornog zakona Elmedinu Konakoviću, predsjedavajućem Skupštine Kantona Sarajevo i Jasminu Halebiću, ministru finansija KS, te zahtijevati sastanak sa nadležnim, s ciljem upućivanja u skupštinsku proceduru novog nacrtu Zakona o komunalnim taksama, usklađenog s prijedlozima jedinica lokalne samouprave u KS.

Savez je uputio zahtjev 18. decembra/prosinca 2018. godine predsjedavajućem Skupštine KS i ministru finansija KS kojim se traži obustava primjene spornog Zakona i sastanak predstavnika JLS u KS s nadležnima. Zahtjev su potpisali predstavnici općina Stari Grad Sarajevo, Centar, Novo Sarajevo, Novi Grad Sarajevo, Ilidža, Hadžići, Ilijaš, Trnovo i Vogošća te direktorica Saveza općina i gradova FBiH.



ODRŽAN SASTANAK O UNAPREĐENJU KOMUNIKACIJE IZMEĐU JEDINICA LOKALNE SAMOUPRAVE I ORGANIZACIJA CIVILNOG DRUŠTVA



Sa radionice u Travniku

Savez općina i gradova Federacije Bosne i Hercegovine održao je u Travniku, 24.12.2018. godine sastanak na temu: „Potencijalni oblici poboljšanja saradnje između jedinica lokalne samouprave i organizacija civilnog društva kroz korištenje informaciono - komunikacijsko-tehnološkog rješenja". Radionici su prisustvovali predstavnici Općine Travnik i organizacija civilnog društva sa područja općine Travnika.

Cilj sastanka jeste utvrditi zadovoljstvo korisnika sa aktuelnim oblikom komuniciranja koji se primjenjuje u Općini Travnik te da li postoji potreba i mogućnost za njegovim unapređenjem.

Na sastanku se moglo čuti kako Općina ima izrazito razvijenu saradnju sa OCD u pogledu njihovog informisanja, te u tom pogledu organizacije su izrazito zadovoljne. Općina Travnik je izradila novu web stranicu sa novim dizajnom koja je vrlo ažurna, lako koristiva sa podstranicom za OCD koja se redovno ažurira, te servis 48 sa kojim su učesnici zadovoljni. Općina ima uveden mail za pitanja građana na koji se odgovara u roku od 48 sati.

Predstavnici OCD iznijeli su mišljenje da je potrebno unaprijediti komunikaciju sa drugim nivoima vlasti u svrhu redovnog informisanja u vezi sa javnim pozivima. Također, svako unaprijeđenje koje će komunikaciju učiniti učinkovitom, dvosmjernom i u realnom vremenu doprinijeće jačanju partnerstva između lokalnih vlasti i civilnog društva.

Ovo je deseti u nizu sastanaka koji realizira Savez općina i gradova Federacije BiH na ovu temu u partnerskim ReLOaD općinama. Naredni i posljednji održaće se u Općini Stari Grad Sarajevo.

Sastanak je održan u okviru projekta „Podrška razvoju uslužno orijentisane lokalne samouprave u Federaciji Bosne i Hercegovine" čije aktivnosti se naslanjaju na projekat ReLOaD. Regionalni program lokalne demokratije na Zapadnom Balkanu (ReLOaD) finansira Evropska unija (EU) a sprovodi Razvojni program Ujedinjenih nacija u Bosni i Hercegovini (UNDP).

KORISNI LINKOVI ZA PREDPRISTUPNE FONDVE EU:

www.southeast-europe.net
www.europa.ba
www.cbib-eu.org
www.cbc.bih-mne.org
www.srb-bih.org
www.programmemeu.eu
www.balkanfund.org
www.europski-fondovi.eu
www.eu.me-IPA
<http://europski-fondovi.eu/>

ODRŽAN 4. SASTANAK KOMISIJE ZA REALIZACIJU PROJEKTA STATUSI MJESNIH ZAJEDNICA U ZAKONODAVSTVU BIH-NIVO FEDERACIJE BIH

U zgradi Parlamenta Federacije Bosne i Hercegovine održan je 20. decembra/prosinca 2018. godine 4. sastanak Komisije za realizaciju projekta Statusi mjesnih zajednica u zakonodavstvu BiH - nivo Federacije BiH, formirane u okviru projekta „Jačanje uloge mjesnih zajednica u BiH" koji je zajednički projekat Vlade Švicarske i Vlade Švedske, a koji provodi UNDP u BiH.

Ovom sastanku je prisustvovala i g-đa Selma Fišek, predstavnik Saveza općina i gradova Federacije BiH u svojstvu člana Komisije, koja je informisala članove Komisije o stavovima i primjedbama Predsjedništva Saveza općina i gradova Federacije BiH u pogledu teksta mogućih izmjena Zakona o principima lokalne samouprave Federacije BiH, a koje se tiču oblasti mjesne samouprave.



Sa sastanka Komisije za realizaciju projekta smjesnih zajednica u zakonodavstvu BiH-nivo Federacije BiH

USPJEŠNO REALIZIRAN PROJEKT „NOVE STRATEGIJE ZAPOŠLJAVANJA NA LOKALNOM NIVOU“



Ovaj projekt finansira Evropska unija



LOKALNA PARTNERSTVA
ZA ZAPOŠLJAVANJE
U BOSNI I HERCEGOVINI



International Labour Organization

Općina Novi Grad Sarajevo u srijedu, 26. decembra/prosinca 2018. godine organizovala je završnu konferenciju pod nazivom „Promocija lokalnog partnerstva za zapošljavanje - LPZ“ čiji je cilj bio promocija rezultata Projekta „Nove strategije zapošljavanja na lokalnom nivou“ i uspostavljanje novog institucionalnog mehanizma LPZ.

Prema riječima načelnika Semira Efendića, zadovoljstvo je prezentirati rezultate projekta čiji su rezultati i više nego dobri.

- Ranije smo počeli sa realizacijom pomenutog projekta. Bilo je planirano da 55 ljudi prođe obuku i nastavi raditi u određenim firmama. Rezultati su više nego odlični jer je više od 70 posto ljudi koji su prošli obuku, tačnije 41 osoba počela raditi u partnerskim kompanijama i dobila zaposlenje kroz ovaj projekat- istakao je načelnik Efendić.

Projekat se realizira u finansijsku podršku Evropske komisije u BiH i Međunarodne organizacije rada (ILO) u BiH.

U ime Saveza općina i gradova Federacije Bosne i Hercegovine prisustvovala je Amra Kerla, viši stručni saradnik za informisanje odnose s javnošću.

Gledajte Savez općina i gradova
Federacije Bosne i Hercegovine na



„Rezultati su više nego odlični jer je više od 70 posto ljudi koji su prošli obuku, tačnije 41 osoba počela raditi u partnerskim kompanijama i dobila zaposlenje kroz ovaj projekat“, istakao je načelnik Efendić.



Sa Konferencije „Promocija lokalnog partnerstva za zapošljavanje—LPZ“



Načelnik Semir Efendić sa učesnicima konferencije



International
Labour
Organization

VLADA FBIH IZDOJILA 1.5 MILIONA KM ZA IZGRADNJU PODUZETNIČKIH ZONA

Federalni ministar razvoja, poduzetništva i obrta Amir Zukić danas je u Mostaru potpisao ugovore sa sedam jedinica lokalne samouprave iz Federacije BiH, kojima je u okviru projekta izgradnje poduzetničkih zona dodijeljeno 1.515.364,22 konvertibilnih maraka.

Sredstva su dobile općine Visoko, Vitez, Maglaj, Gračanica i Posušje, te gradovi Zenica i Livno. Iznos dodijeljenih sredstava kreće se od 150 do 250 hiljada maraka, dok je sufinansiranje jedinica lokalne samouprave koje su aplicirale za bespovratna sredstva minimalno trideset posto od ukupne vrijednosti projekta.

- Riječ je o drugom javnom pozivu u kojem udružujemo novce s jedinicama lokalne samouprave u svrhu poboljšanja poduzetničke infrastrukture u poslovnim zonama u Federaciji BiH, promocije poslovnih zona, kao i jačanja usluga korisnika u poslovnim zonama - istakao je ministar Zukić.

Očekuje se, kaže ministar, da će na osnovu ovih projekata u tim poslovnim zonama biti osnovana 53 mala i srednja poduzeća i zaposleno 430 novih radnika.

Livanjski gradonačelnik Luka Čelan istakao je kako je Grad Livno dobio sredstva za izgradnju prometnice u Gospodarskoj zoni Jug, čime će biti završena kompletna infrastruktura u toj zoni u kojoj već ima oko 300 uposlenih.

Nadamo se da ćemo realizacijom ovog projekta stvoriti još bolje uslove za razvoj privrede i nova upošljavanja u toj zoni - kazao je Čelan te dodao kako je ovo dobar primjer saradnje jedinica lokalne samouprave s višim razinama vlasti i da se nada da će ovakvih projekata biti i u budućnosti.

KORISNI LINKOVI ZA
PREDPRISTUPNE FONDOWE EU:

www.southeast-europe.net
www.europa.ba
www.cbib-eu.org
www.cbcbi-h-mne.org
www.srb-bih.org
www.programmed.eu
www.balkanfund.org
www.europski-fondovi.eu
www.eu-me-IPA
<http://europski-fondovi.eu/>

„Riječ je o drugom javnom pozivu u kojem udružujemo novce s jedinicama lokalne samouprave u svrhu poboljšanja poduzetničke infrastrukture u poslovnim zonama u Federaciji BiH, promocije poslovnih zona, kao i jačanja usluga korisnika o poslovnim zonama“ - ističe ministar Zukić



Sa potpisivanja ugovora

Predstavnica Općine Visoko Amila Koso naglasila je kako su dodijeljena sredstva namijenjena Poslovnoj zoni Ozrakovići, i to za izgradnju saobraćajnice, kanalizacije i vodovoda.

- Raduje nas činjenica da nakon niza projekata koje je općina Visoko uradila u ovoj poslovnoj zoni, možemo kroz izgradnju saobraćajnice zaokružiti jednu lijepu infrastrukturnu priču, naročito zbog činjenice što je Poslovna zona Ozrakovići trenutno možda i najbitnija i najperspektivnija poslovna zona u FBiH, a možda i u BiH - ocijenila je Koso.

Također, dodala je, kao općina ponosni su na ostvarenu saradnju s poslovnim subjektima i raduje ih činjenica što su općina Visoko i njeni privrednici već tri godine zaredom na tronu što se tiče izvoza u Zeničko-dobojskom kantonu.

Inače, ulaganja u razvoj poduzetničkih zona u posljednjih pet godina rezultirala su pozitivnim efektima s aspekta ulaska novih privrednih subjekata u ove zone, a evidentno je i povećano novoupošljavanje u zonama koje su bile sufinancirane od strane navedenog Ministarstva.

S obzirom da su ovo grant sredstva koja se u 2018. godini dodjeljuju drugi put, (u 9. mjesecu ove godine potpisani su ugovori o dodjeli grant sredstava za poduzetničke zone s 20 jedinica lokalne samouprave), u 2018. godini je za poduzetničke zone ukupno odobreno 5,3 miliona maraka za 27 jedinica lokalne samouprave, kroz čije projekte će biti zaposleno 1.336 radnika u 95 novih poduzeća u ovim zonama.



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: press@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na



Pratite Savez općina
i gradova FBiH na



NAJAVA OBILJEŽAVANJA DANA OPĆINA I GRADOVA ZA MJESEC FEBRUAR / VELJAČA

- **08. februar/veljača - Dan Općine Odžak.** Tog dana 1996. godine prvi povratnici predvođeni policijskim snagama vraćaju se u svoje domove.
- **14. februar/veljača - Dan Grada Mostara.** Na taj dan 1945. godine se 26. dalmatinska divizija ušla u Mostar. Nešto kasnije do grada su se probile i 19. dalmatinska i 29. hercegovačka divizija, a već oko 19 sati, na taj dan, gotovo sve njemačke i ustaške snage su napustile Mostara.
- **20. februar/veljača - Dan Općine Bužim.** Na taj dan 1995. godine Predsjedništvo RBiH je Uredbom sa zakonskom snagom formiralo općinu Bužim.
- **21. februar/veljača - Dan Općine Ljubuški.** Tog dana 1444. godine napisan je testament bogatog dubrovačkog trgovca Gojslava Orlovića u kojem se spominje dar crkvi u Ljubuškom. Smatra se najstarijim pisanim dokumentom u kojem se spominje naziv Ljubuški (Lubusia), a čuva se u dubrovačkom arhivu.
- **22. februar/veljača - Dan Općine Jablanica** i dan sjećanja na oslobođenje grada u Drugom svjetskom ratu
- **22. februar/veljača - Dan Općine Jajce.** Datum je ovo prvog pisanog pominjanja grada Jajca 1396. godine u Povelji iz dubrovačkog arhiva
- **23. februar/veljača - Dan Općine Velika Kladuša.** Ovaj datum je značajan kao sjećanje na prvo oslobođenje Velike Kladuše u Drugom svjetskom ratu kada je uspjela opstati kao slobodan teritorij punih 731 dan.
- **26. februar/veljača - Dan Općine Bihać.** Na taj dan 1260. zabilježen je prvi pisani historijski trag o gradu Bihaću u Povelji ugarsko-hrvatskog kralja Bele IV, kao gradu sagrađenom na Otoku sv. Ladislava, u vlasništvu benediktinske opatije iz Topuskog. Godine 1262. proglašen je slobodnim kraljevskim gradom sa svim pravima što mu je osiguralo samostalni razvoj.
- **29. februar/veljača - Dan Općine Ilijaš.** Na ovaj dan, 1996. godine, na oslobođenu teritoriju općine Ilijaš došlo je do masovnog povratka izbjeglog stanovništva i uspostavljanja civilne vlasti.

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: press@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

